

# شهرزاد

نجوى السيد


دراسة

محسن الخياط



المطبعة الجديدة للنشر والتوزيع

١٩٨٨




## الاهداء

الى شهياري .. زوجي الحبيب ..

أهدي هذه الحكايات ، منتقلة بها من مرحلة  
الى أخرى من مراحل حياتي ساعة بساعة  
وليلة بليلة .


شهرزاد .





الحكاية الأولى

من مكتبة شهرزاد



## ١ - عروسة النيل

وكان توبى نهار والشمس على صدره  
وكان تاجى نجوم بتزف قمرايه  
وكانت طارحتى طارحه فرح وزهور  
وكان المعقد حياته قلوب من نور  
ولما دخلت قلب النيل  
قفل بابه وخبانى  
وخدنى معاه ولففنى وورانى  
وانا باقطف فى نبضاتى وباعمل صحبه علشانه  
ولما الرحله نادتنا  
شالتنا اللهفه وجابتنا  
ولحظة ما التقيت بالقطن والقمححات  
جرى نبضى مراكب تنقله الدمعات  
يشوفها النيل

يفيض دمه على الجانبين  
ما تعطش حبه وسط الطين  
ولما تشح دمعاته  
تغطي الرحله وتنادى  
عشان نرجع  
نعبى القلب طول الوقت نبض حزين  
ونملى العين ..  
عصير صبار  
ولما القلب يتعبى  
تغطي الرحله وتنادى  
ونيجى .. نروح  
ونيجى .. نروح  
لامته ، وشعرنا الاسود ، بنطلب منه  
ما يموتشى ؟  
وامته حنة الكفين  
حتنقش فرجه ماتضعشى ؟  
ولحظه وقفنا ، طلينا  
بعتنا الخوف يشيل م الرحله  
أسامينا  
ما عادش النبض يقدر يرجع المشوار  
على عينه

ما عادش الصبر يقدر يخلع الأشواك

بكفينه

وده المشوار

بيطرح ليل نهار ..

أشواك

وأنا لما خطبني النيل ..

قريت كتبه

عرفت انه

فى يوم فرحه يفيض ويزيد

واديني جيت ..

عشان القمح ويا القطن مايشريش

دمع حزين

عشان اللقمه ماتبقى بطعم المر والصبار

ولا تدبلش طلة زهرة النوار

ودى المره ،

أنا نفسى ..

أشوف النيل ،

يدوق لقمه من القمح

وعينه مش على الرحله

ولما يتملى عب العيال بالقطن

يعبى قلبه فرح كثير  
يفيض دمه من الفرحه  
على المجانين  
ما تعطش حبه  
وسط الطين  
يفنى القطن للقمحات •

ولفينا أنا وانت  
ما خلينا ولا حته  
وادينا رجعنا بالحكايات  
خدى أحكى يا شهرزاد قولى  
ويسمع شهریار قولك  
بطول ليلك :  
يطول عمرک فى كل نهار  
وتانى تلف ونجيبك كتير حكايات  
عشان ماتعيشى فوق الألف بالآلاف

★★★

واديناع الطريق ماشيين  
نخش الليل .. ندور ع الحروف جواه  
نلملمها .. نجيبها فى بعضيها .. تعيش كلمه  
ندفيها ينبض القلب نحميها .. عشان تفقس لنا  
حكايه .. ندفيها ينبض القلب نحميها - عشان  
تفقس لنا حكايات  
نجيبها يا شهرزاد ايكي  
واديناع الطريق ماشيين  
نوصى القمره ماتغيشي  
وتفضل حارسه شباكك  
وينجمع حكاياتك  
« وكان ياما كان  
حسن شاطر وفارس فوق حصان أبيض  
بيدخل جوه قصر الغول  
عشان يرجع بست الحسن فوق  
فرسه  
وست الحسن نعمانه ولا تدرى  
ينادى الشاطر المهموم  
وست الحسن غرقانه فى عز النوم »

\*\*\*




قفلنا قلوبنا ع الحكايات  
وجينالك  
وقفل من الحرس واقف  
على بابك  
لاهم فايتنا ندخلك  
ولا عايزين ينادوكى  
ونرفع صوتنا حتى يعدى م السحابات  
لكن ما يعدى م الحراس  
نخبط بالكفوف حتى يسيل الدم  
ولا قلب الحرس يهتم  
ومين وصى الحرس ع الباب يفوتونا  
لا قفل من الحرس يقدر يوقفنا لحد الفجر  
ما يشقشق  
ولا أمل الوصول مركبته  
راحتفرق  
حندخل فى القمر قلبين ، ونخرج نور  
يعدى لك من الشباك  
وجنبك ، راحنعود ، قلبين  
ولفيننا  
وأهه جينا  
وفين حراس يحوشونا

وجوه القلب لسه بتنفس الحكايات  
وبتنقر على الجدران  
وهاي اديكي مديها  
وم اللحظة دي حنيها  
وكل حكاية يخرجلك  
خديها يا شهر واحكيها  
ينام السيف ولا يصحى  
لكن انت  
فرشت كل حكاياتنا على صدرك  
ولا قولت  
وفوق أرض الحرير نمت  
يا شهر اصحى  
ورا الشباك قمر مستنى يطمئن  
عشان يمشى  
وراح يمشى  
يا شهر اصحى ، وطللى ف عين حكاياتنا  
تلاقى العمر جواها  
واصحى يا شهر ، قومي يا شهر ، احكى يا شهر  
يا شهر اصحى  
يا شهر اصحى  
يا شهر ٠٠ اصحى

وتغنى يا أيوب  
وأسمع لمالك  
[ بالصبر يا أيوب  
توب ليلك المغلوب  
يقدم ، ويتملع ، يدوب  
تغزل ادين الفجر توب م النور  
وتهادى بيه أيوب • ]  
من امته يا أيوب النور بيتهادى  
كفايه صوت مواويل ، وصبر  
بزياده  
توب ليلك المغلوب شقه وفوت منه  
وأوصل لحد الفجر

وان شوفتنى ناعسه  
اصرخلى بالغنوات ، وصحينى  
خلينى أقوم أنتفض  
أفتح عنى وأبدأ الخطوه  
- مهما بتغفل عيونى  
ف لحظه بتفتح ،  
تشوف لبعده الشوف  
تطوف ، تطوف ، تطوف  
تنقى من وسط الحروف  
عين حرف حق كسير  
وقد ما تلقى حروف  
رموشها تبقى سيوف  
وتنادى - يا أيوب  
كف المرض ترمى السهم قاصداك  
وانت بتعافر  
بأنفاس ماهش قادره  
تخرج ولا تملى  
يا علة الأيام فى جلدك الصابر  
آن الأوان تنزعه وتطيب

آن الاوان لجل تبقى طبيب  
وتغير المكتوب  
وتجدد الصفحات  
وتجيبها كلمات ..  
مافيهاش حروف عله  
آن الاوان  
لصرختك تملئ  
تشفى جروح الناعسه يا أيوب  
بالصبر يا أيوب .. ناعسه ما جمعت حق  
زرع المرض جلدك بسهام ماقلتش لأ  
وأدينا يا أيوب  
وطريقنا باله طويل  
شقيقه بالصرخات  
صاحيين فى عز الليل  
بنكسر الأبواب  
ونخرجك يا فجر  
يقصر طريقنا ، لما بيك  
نرجع  
نطلع ونبقى ، كل ما  
تطلع ..



مديت ڪفوفي لجل ما اتحنئ  
قالوا : خلاص ۰۰ خلصت  
داروا بكاسات شربات  
قربت ڪفي لڪاس  
قالوا خلاص فضيت  
خرجت بالكفين  
أملها بالدمعات  
تملاني بالحكايات  
وكان ياما كان ( كانت جميله ، وبتحنئ ايديها تراب  
تتمنى م الضحكه وم الفرحة صحاب  
ولما آن الأوان

الفرح جالها أمير . )  
طلبت ف كفيني . . عيني على خطوطها  
حلفت لاكتب عليها كل ما أتمنى  
السحر حاتعلم  
واتجهز الليلة ، وأرجع في وسطهم  
أمد كفين تنبأ وتنحنى  
وحيداً الشرب من تاني من عندي  
تتمنى كاساته أشرب ولا تخلص  
مهما بقي المشوار  
السحر حاتعلم  
وأفك لغز الكتاب صفحه ورا صفحه  
واللم التعاون من بين سطور كتبي  
وأسمى واتكلم  
التوب حيتغير  
وادخل على الحاضرين  
تتحنى قدمين من قبل كفين  
مايلف كاس شرب من قبل مايجيني  
تنسى العيون كل اللي سبقوني  
أفضل أميره مهما طال الوقت  
لا التوب حيقدر ينخلع عني



ولا هاخاف وأجرى

ما عادش محتاج الأمير ، يجرى •• ورا قدمى •  
خوفى

....


لتبدأ من جديد حفله

تدخل أميره تحنى كفيها

يملا لها كاس الأمير

شربات ويهديها

• ويفوتنى عطشانه •



•• اطمنى

كل البنات حنت اديها خلاص  
فى دم ما بيخلص  
مطر فى عز الصيف •• رصاص  
الى بيحبى ، مازحف  
والى مروح بالرغيف  
نبضه انخطف  
والى بيدعى فى الصلاه  
ماحقش ينزل بالادين

•• اطمنى

راحيمملوا الموكب وحيقيموا الرايات  
حيأخروا دفن الى سقطوا

ع التراب  
لما يعدى موكبك

اتفضل

الكل واقفين ع الطريق  
سابعه عيونهم فى الدموع  
وانت تطل وتحنفى ..  
دمع الفرح  
وتقولى عقبال البنات  
كل البنات انبح صوتها م الصراخ  
وانت تقولى م الغنا  
ماسكين فى جلايبهم عيال  
شايلين على صدورهم صغار  
ساندين على كتافهم كبار .  
راحوا ! لى كانوا بيستندوا كل البنات  
راحوا يردوا ع الرصاص  
سكتوا ما عادو ينطقوا  
كل البنات انبح صوتها م الصراخ  
لاكن سكت  
والى بقى  
طاخ .. طاخ .. طاخ .

الحلم واتفسر  
نبت خلاص الجوع  
فى بطن اخواتك  
علشان ماتحصدهم ادين لامراض  
حتى العطش فى وسطهم صياد  
سهمه ما بيخيب  
وانت يا يوسف كلمتك مفتاح  
تفتح خزائن خير  
ينبت مكان الجوع  
يهزم جميع لامراض  
انت يا يوسف كلمتك مفتاح  
... ..

الكل ساكت ليل ما يسمع  
وانت يا يوسف  
قولي :  
ساكت ليه ؟!

## الاسكندر الأكبر

فى اسكندريه جاسوس  
لاسكندر الأكبر !!  
لا بد يتسلم للشرطه فى لحظات  
دخل المدينه ..  
لامعاه باسبور  
ولا اذن م الجوازات  
غريب ولازم ينطرد  
جاسوس ولازم ينقبض عليه  
فى الحال ويتسلم

....

ماسكينه لاسكندر  
مسكين يا اسكندر

مين الى راح يقدر  
يفكر الناسيين  
ويعرف الى ما يعرفكشى  
انت تبقى مين ؟  
ويطل لاسكندر  
وعنيه برغم الحزن ما تدمع  
ولا تشع الخوف  
لاكن تقول ،  
دانا كنت لاسكندر  
شايل على ادى  
اسكندريه سنين  
حارسها قلبى والرموش والعين  
وفوتها عروسه  
ورجعت أتطمئن  
كبرت أكيد ، وأهى قد ماكبرت  
كتروا ولادها قد ماكتروا  
حنيت لها  
ولولدها  
وأدينى متكفف  
وهم حوالى



بيسقفوا ويهللوا ، لكلايش ف ادى

الحق مش ع الولد

شيلوا الدهان من ع اليفط

تلقوا حروف اسمى

شيلوا الحجر من ع الطريق

تلقوا مكان قدمى

شيلوا اديكو من على كتفى

ما أى شىء يشفى

خدشه فى لاسكندر

أنا كنت لاسكندر

كتفى وراه لاكتاف

واللفته من كتفى

كانت تهز آلاف

أتقدم أتكلم ، ماحد يسبقنى

شيلوا اديكو من على كتفى

دا الى هنا جابنى

قولته ، وعارفينه

اصحوا بقى لحظه

شوفوا الجاسوس راح فين

ماتضيמוש وقتكم

وسنين تجر سنين  
لاسكندر الاكبر  
نفسه في لاسكندر  
ينبت هنا بينكم  
يجمع مشاعلكم  
ويردها بالحل  
يقرا الى في قلوبكم  
لو في عيونكم طل  
لاسكندر الاكبر  
نفسه في لاسكندر -

## كليوباترا

مدوا البساط

ده اللي فات :

لسه

لانتوا هتنسوه

ولا أنا

حانسي

أنطونيو لو فاتني

راح ييجي أنطونيو

ويكمل القصة

أنطونيو لو صادق

ما ينتحر أبدا

أنطونيو لازم يعيش

## ويكمل القصه

....  
مدوا البساط .. وعلقوا الزينات  
وف أعلى أعلى مكان  
قوموا انصبوا الرايات  
كاتبه على خطوتي  
لنهاية المشوار  
متونسه ف سكتي  
دايما بأنطونيو  
مين الى راح يقدر  
يهزمننا واحنا ادين  
بتدفي بعضيها  
والتلج حواليتها ؟  
مدوا البساط .. كل ما مديت  
وفكروا اني لو في لحظه نسيت  
أرسم طريق النصر  
على كف أنطونيو  
على كف أنطونيو الخط يتكلم :  
« كليوباترا ماتموتشي  
الا اذا وقفت

واتدورت رجعت  
كليوباترا لازم تعيش  
وتكمل القصة • • «

شهر زاد - ٢٢



## الحكاية الثانية

الطير الأبيض





## الطير الأبيض

طيرى يالى بتغنى لى المواويل  
وتصحى الفجر فى عز الليل  
مجروح والجرح فى قلبك آه  
وكلامك قلبى عرف معناه  
شاف ريشك لابيض تحته الام  
طال من عينك سرب كلام  
وكلامى اليك جرحك معناه ؟  
دانا كنت أتمنى أكون الطير  
يتمزق لحمى  
يتكسر عضمى  
ولا اشفش جناحك  
عمره كسير !

... ..

دانا حالفه لأدخل تحت الريش  
أمسح بادي أسي الأيام  
وأرش الفرحة ورود وريحان  
من غير أشواك  
دايما فاكراك  
دايما شايفاك  
مش عارفه ازاي ؟!

... ..

لو تجرى الدمعه من عينك من غير فرحه  
ازاي راحمض وأناام  
الويل سهراني حيصحيني  
يسكن ويعشش جوايا  
يمحى هنايا  
لو دمعه حتجري من عينك  
من غير فرحه .

... ..

خد ايدي تعالي وهات جناحيك  
أحضاني بلاد بترحب بيك  
وكفايه عليك  
سفر الأعوام

وكفايه الام  
سهرانه عنيك  
تعبانه عنيك  
غمضها ونام بين أحضانى  
وأنا فوق جناحيك  
شعرى منطيك  
تعمل زى ماتعمل لايام  
احنا الأحلام  
مالهاش فى طريقنا جبال وسدود  
مالهاش فى عنينا الفرحه حدود  
وأسيب الناي  
أمسك فى العود  
تعمل زى ماتعمل لايام  
احنا الأحلام  
واحنا الأنغام -



وتعكيلي عن اللى فات ..  
وأحكيلك

....

وكنّا زمان  
أنا فى سكه  
ولك سكه  
وبين السكه والسكه  
مافيش سكه  
رمينا الجسر بعنينا  
وعدينّا لبعضينا  
وأدينّا  
خلاص ماشيين

طريقنا مستحيل يبقى  
فى يوم  
طريقين  
بتحكيلى عن اللى فات  
وباحكيلك •

## كل الكمان

وأستناك ولا عارفه  
لامته مركب اللهفه  
حتفضل بى بين شطلين  
كمان ساعتين  
كمان شهرين  
كمان سنتين  
كثير كل الكمان عندى  
وأنا بدى  
ألاقى كل شىء فى أمان  
لا مركب تايهه دون مرسى  
ولا قلب الشجر عطشان  
ولسه كمان كثير ولا

حترجعلي وأرجعلك  
ترسى المركب التايهه .. تريحها  
على شطك  
ونفرش فرحنا رمله  
بطول الشط  
عرض الشط  
يجيلنا لحدنا بكره مماء العيد  
يفنى ع الكمان من صوته لحن جديد  
أفكر فى الكمان وأضحك  
وأنا جنبك  
قليل  
كل الكمان .. عندى •



## الطوق الجديد

شوف

ده عقدى .. طوق حديد

طوق وحواليه ألف ايد

وانت فين

تسمع صراخى أو ندايا

انت فين تمسح دموعى للنهايه

انت فى كل البعيد

... ..

ياللى فى كل البعيد

كل ماتقرب باشوفك ،

ليه بتبعد من جديد

أبتسم لحظه ما أشوفك ،

جائ متلف على

وأرمى نفسي بين أديك

ما التقيك

أجرى وأتلفت عليك

ألقى صوتك زبي . . بيلف البلاد

يشتكي طول البعاد

وينادييني

ينن عيني لك هديه

ياللي حثد له علي

أو تقوللي هو فين

بس ماتقولليش

بعيد

( لسه وحدي حامشي أتلفت عليك

وأبدر السكه سؤالي عن عنيك

قد ايه لسه ؟!

وبعدين


( التقيك )

حاسأل الكون كله عنك

وأعرف انت تبقى فين

وأجي أطمئن عليك

أجى جنبك  
أبقى عين حارساك فى بعدك  
أبقى ضله ف عز ضهرك  
أبقى أنهار لما تعطش ،  
تروى كل أرضك  
أبقى شمعته فى كل سكه  
راحتنطلى فيها خطوه  
أبقى غنوه بل بكره  
أبقى منديلك يشيل الدمع عنك  
أبقى جنبك  
نقسم اللقمه نلاقى فيها بركه  
نمشى فى الدنيا نلاقى فيها ضحكه  
نعرف ان الليل حيمشى ويجى نور  
نور قريب  
مش بعيد •



## الرحيل

مسافر ؟ !  
قولی رایح فین و جای امته  
دانا نفسی آکون شنطه  
تشیلها ادیک ، وترفعها  
وتحرسها  
کده ..  
بعنیک

... ..  
دانا نفسی آکون شنطه  
تخاف لحظه تضیعها  
وتطمئن علیها کتیر  
ولا تفوتها

لايد الغير

... ..

أكون جنبك

وايدي ماتفوت يدك

.. وقلبي ..

تبقى شايف ايه

يكون جواه

... ..

أكون شنطه

مدام حبقي هنا وياك

هناك وياك

تاخذني معاك ولا تفوتني هنا أستناك -

لهفه

ياطول الليل ..  
أنا سهرانه  
ولوحدى  
طويل انت  
وطولك  
مش على قدى  
حبيبي فين ؟  
سألت عليه ما دلونى  
وجيتك لو تساعدنى  
تنور بالقمر وتلف وتدور  
تقسم كل نجماتك  
توزعها فى كل مكان

وتعرفلى حبيبي فين  
دانا من لهفتي للغنوه  
من صوته  
بنادي عليه  
وجيتك  
لو تساعدني



## سواقى العمر

ولفى يا سواقى العمر  
اسقى اليوم حيصبح شهر  
واسقى الشهر يبقى سنين  
أمد ادى فى يرك  
أدور فيه على كتبى  
لكن كفى ٠٠ بيلمس كلمه  
فاتها السطر ورماها  
وبتمافر  
عشان تفضل على الصفحه  
يشيلها الكف يصلحها  
على السطر الى خاصمها  
أدور

حتى أجمع كل كلماتي على كفى  
وأصالحها  
واللم كل أوراقى وأرجعها  
وفوق صدرك  
أضمك

ياسنين عمرى

... ..

( يا أم المحسنين ) جيتك وأنا نبتة  
وفوتك ورده من بعد السنه الستة  
وجوه جنينه فيها الورد يتفتح  
لقينا الصبح بيصبح  
على عيوننا وبسمتنا  
بلوزاتنا ، جونلاتنا  
فيونكاتنا ، شرابتنا  
وجوه شنطنا كراسه  
بنكتب فيها بكره جميل

... ..

ويا رحلة ( أبو مندور )  
ومركبنا فى وسط النيل  
وهى تميل

على الغنوه  
لحد مقام  
( أبو مندور )  
وأدى المتحف الحربى  
وقصة نصر تتنقل لجيل ورا جيل  
وصورتى ويا زميلاتى  
بمريلتى وفيونكاتى  
طلعننا سلاالم المتحف  
طلعننا كلنا نحلف  
رشييد بطله  
وتقدر تنتصر بكره  
وأنا دايمما فى عيدها باجمع الوردات  
وباعمل منها قوس النصر  
وأشيله وأطوف  
فى ساحة قسمها المخصوص  
وحتى فى شوارعها •  
ولفى يا سواقى العمر  
كل ما باقى  
شهاداتى  
وأوراقى •



## نسیتینی

ورغم انك ف قلبی نبض یهوانی  
وَأنا دایما أجمل صوتی بحروفك  
وادی كفوفی بكفوفك

نسیتینی

وفوتینی

أروح وارحل

مانا دیتی

ولا هزك صراخ نبضی

وانا یاما

حلمت یا أمی بعنیکى غیطان خضرا

بتطرح خیر

عشان یکره

ونیل أسمر

يصلى  
لما نتوضا  
ادين حره  
تنقى الدوده م الزرع  
وتعمل كفها هامه  
عشان الحق  
وتقدر تمسك الريشه وتكتب لأ  
أنا ياما  
حلمت يا أمى بعنيكى  
وحشتينى  
وحبك جابنى رجعنى  
وف عنى صور ياسا لك وبكره  
دى لهفتنا  
على طينك على شجرك  
على نيلك على هرمك  
بتكبر والله ويانا  
ومهما كنت نسيانا  
أنا جايه  
وكارهه شربة الميه  
اذا ماكانتش نيليه

أنا جايه  
أغبر فيكي طعم المر  
وأزرع قلبي صباره  
واهدكي  
أنا جايه  
وبكره نن ف عنى بلون خيرك  
أشوفك بيه  
واعليكي  
وأشقه رغيف  
واعشيكي  
وأخده يطل ع القمره  
ويدخلها  
ويخرج منها قمرايه  
تنسور  
ليلك الضلمه  
نشوف نمشى  
نشوف نقرا  
نشوف بكره •





## وفوتك بلادى

وفوتك بلادى  
وقلبى ينادى  
حبىبتى يا أمى يا فاقده الولاد  
وفاقده الصبايا  
فى كل البلاد  
وشوفتك حزينه  
وحزنك سفينه  
تطوف فوق دموعك  
وترسى آهات  
كانك يا أمى  
ماشلت وتمعت  
ولا يوم سهرت وكان السهاد

كأنك لا انت الحبيب الحنون  
ولا احنا كبدك  
ومنك أتينا  
وشوفى  
أدينا  
بنتمنى نرجع نكل عينا  
بخوفك علينا  
بنتمنى نرجع فى أول سفينه  
وليه يمنعوننا  
نجيكى  
ونفرد ادينا وناخدك  
ونبكى فى حضنك  
لا حد ياخدنا ويبعدنا عنك  
ولا حد ياخدك  
بنتمنى نرجع  
نمد السواعد  
ونزرع ونقلع  
ما يبقى فى أرضك ديدان  
جوه زرعك  
ولا نغلى نبتة شيطانى  
تدوم \*

## ايد على قلبين

وكننا رغم طول الليل  
نغنى لضحكة القمره  
وكننا والطريق يبطول  
نقول بكره  
أكيد أحلى  
وكننا ايد على قلبين  
ولهفتنا ف ننى العين  
وبعد سنين  
كرهنا الليل يطول تانى  
ويسمع مننا أغانى  
وخطوتنا على الطرقات  
ما عادت تجرى  
ورا بكره  
... ..

مشينا والطريق ممدود  
أخذنا معاه لحد هناك  
ووصلنا  
وكل نهار لحد الليل  
يوصلنا  
ويجرى الدمع يغسل كحلة الجفنين  
ويحضر مجرى جوه العين  
وليل ورا ليل  
نسينا الضحكه والقمره  
نسينا طعمه ايه بكره  
وماتت غثوة النبضه وفرحتها  
ولحظتها  
رجعنا لك ياليل  
واحشانا دى القمره  
رجعنا للطريق نحلف  
أكيد بكره يكون أحلى  
رجعنا ايد  
على قلبين  
ولهفتنا  
فى نن العين

وبعد سنين


رجعنا

تاني

بعد سنين \*

\*\*\*


شهر زاد - ٦٥



الحكاية الثالثة

---

صفيين قلوب





## صفين قلوب

واتقسموا

كل القلوب

صفين

الى يحمل م الفرح ويشيل  
والى يحمل م الآهات ويميل

وتميل يا قلبى

لجل تحمل تلها

يا ابو الحمول فوق الحمول

الود ودك تنفرد وتطول

والحمل فوق الضهر

حائنا

منين ما نرمى ع الطريق خطوه

يتمد طول الطريق  
وتشع خطاويننا  
ده الصف هو الصف  
واحنا معاه بنلف  
واللي عليه الدور  
حيشيل وحيحمل  
يا امه وبتأمل  
القاهها فارقه كثير  
لما انتقل

م الصف  
تفرق كثير يا امه  
اللحظه واللحظه  
...

تسرق كثير يا امه  
اللحظه م اللحظه  
تدى كثير يا امه  
اللحظه للحظه  
وف لحظه فت الصف  
ورميت كمان حملك

وركبت ريح خدني  
يا امه

بعيد عنك  
واما ناداني الدور

... ..

زادت حمولى كثير  
عن حملى فى صفك  
شلت وبدون كلمه  
والدمعه من عيني  
تجرى وتدعيلك

( باجدله شعري بالحنان والحب  
ومكعله عيوني ،  
بالشوق

لطلاتك )


طلى علينا شوفينا  
لما نبقى هناك

تلقى القدم مترصعه أشواك  
تلقى الكفوف  
مترصعه أشواك

تلقى الحلو  
مترصعه أشواك  
طللى علينا شوفينا  
لما نبقى هناك  
تلقى القلوب  
متشقة  
تلقى العيون متجمده  
ومبخلقه  
تلقى اللسان  
ناسى حروف  
كانت فى طرفه  
مشعلقه  
... ..

أوعى تفوتينا  
وخدينا ضمينا  
يتمد بينا الطريق وتشخ خطاونا  
ما عدنا نغضب  
نبتعد  
دى الخطوه فى أرضك  
أمل

والطفل فوق أرضك  
جمل  
وشيلينا تحت الحمول  
بس انت شيلينا  
بكره اذا سافر حترجه  
لينا  
يحمل حمولك عننا  
ولا عدنا نعنّي زهرنا  
الا  
لأنك  
أمنّا •



#### الحكاية الرابعة

نوارس الشطوط





## الغريب

فجر طال من عينيك

قالى :

ليل الغربه طول

يا حبيبتى

والقمر

لو طل

انت

...

قلتله : بتقول غريب

ليه

وأنا وياك هناك

زارعه حبي ف غنوتك

طارحه لهفه وشوق فى قلبك  
وابتسامه فى دنيتك  
... ..

قالى :  
ليل الغربه فارش يا حبيبتي  
توبه قدام خطوتى  
فين ما أمد الخطوه وأمشى  
ألقي لونه  
فى سكتى  
... ..

قولته :  
حبي جناحين  
يرفعوك عند القمر  
قالى :

طرت يا حبيبتي  
طار وجانى لحد فوق  
خد من الريش الى عندى  
وحط ريشه  
وقاللى :

دوق

... ..

قلته :

نورك حيفلب ضلمته  
فجر انت

وهو ليل  
لو يطول مهما يطول  
تخرج انت وتغليه

... ..

قاللي :

خايف يا حبيبتي  
تختفى وياه هناك  
قمره انت  
وهو ليل

... ..

قلته قلبي معاك  
جوه ليل الغربه  
راحتلقاني قمره  
لجل يبقالك

ونیس  
و اما تخرج فجر  
راحتلغانی  
زهره  
زهره تشتاق للندی  
...

قالی :

قلبك يا حبيبتي  
هو داری  
وهو راحتی  
جوه قلبك  
عمری ماحبقاش  
غریب

## باستنى المعاد

جوه قلبك

ألف شمعه

منوره

شمعه تبكى

وشمعه تحرق

تخرج النبضات

تخبط فى الشموع

نبضه تجرى

نوينبضه تفرق

...

جوه قلبك

ليل طويل

ليل بيطرح

ألف ليل

حاضن الشمعات وسكران  
بالدموع  
طاوى فى ساعة غرق  
كل القلوب  
ليه ؟

وأنا ع الشط  
باستنى الماد •

## عتاب

كده قلبى  
وكده قلبك  
سوى نبكى  
وسوى نضحك  
وليه بالحزن بتجبنى  
تخلينى  
أشوف الفرحه  
نجم  
بعيد  
كده حتى فى يوم البعيد  
أنا  
وانت  
... ..

وكننا نسينا كل الحزن  
وبعدنا

من الفرحه ..

أنا صدقت ان احنا هنا نسينا  
نسيت وانت

ماتنساى

تجيبلى الحزن

صعبة ورد

وأنا أسقيها

أخاف تدبل

إذا ما كنت أرويها

أخاف لحظه

تفكر

انى هاملاها

وما قدرت قيمتها

ومعناها

...

كده قلبى

وكده قلبك



كثير شالوا  
كثير تعبوا  
وآن اليوم  
يقولوا كفايه تانى  
هموم  
ولا هانت يقولوها  
فاتوها  
فى القلوب  
تمزق  
فاتوها  
فى العيون  
تحرق  
شالوها ع الرموش  
دمعه  
ووصوا الرموش  
ماتسقط  
وآن اليوم  
يقولوا كفايه تانى  
هموم  
يقولها :  
قلبي مع قلبك

لكن قلبى

يخاف يسبق

وعاهدته

ما يسبقش

ويستناك

... ..

وقرب قلبى من قلبك

وحط ف كف نبضاتك

بذور

فرحه

وقال :

يا لك

خدوها وازرعوها قوام

ومية ورد من قلبى

حترويهـا

تخليها

تعيش

تطرح

وقلبك يتملى أفراح

كده نفسى يكون

قلبك  
كده خايغه  
لتسبق فرحتى  
فرحك  
وعاهدتك  
لأستناك  
وما أسباقشى  
أقول وياك  
ومن قبلك  
ماحافرحتى

... ..

يا ويله قلبى من قلبك  
مافيش مره قدر يسبق  
ولا قادر يتوب  
عن فرح ما عاشهوش  
ولا قادر تشوف  
الى ما بتشفهوش  
وبيخليه  
يقول :  
ويلي

وأنا مالي  
إذا لك قلت  
ماخبيت  
أنا مالي  
إذا عاهدت  
بس وفيت  
أقول  
وأكتب  
أنا مالي  
واعذرني  
ساعتها  
بكيت  
بكيت  
ما قدرت أحوش  
دمعي  
صعب حبي  
على قلبي  
صعب قلبي  
على نفسي

ولسه

ماصعبت عليك ؟

كده قلبی

وكده قلبك •



## نظرات الألم

« لا خبط لي على بابي  
ولا استأذن  
ولكنه دخل »  
ومدد في دمي  
وكسر في عظمي  
ومزق في لحمي  
ومنه أكل  
وكننت بديت الحكاية  
يدوب  
لابني الصغير  
في نفس المعاد  
وفجأة لقيتني

باصرخ وأبكي  
وأبكي وأصرخ  
و لا قادره أحكى ولا قادره أسكت  
يقول الصغير ياماما كفايه  
يطبطب على .. أضمه لصدرى  
وأطبطب عليه  
ودمعه يكتف صراخى ويجرى  
ويا خوفه على .. وخوفى عليه  
يزيحه الهى المرض ويجازيه  
لا خبط لى على بابى ولا استأذن  
لكنه  
دخل .



## الأرض

وتضربني بفأسك  
جوه قلبي وبين ضلوعي  
وأطرح لك سنابل  
وبملي الدنيا حواليك  
بالغيطان  
وتأني ترفع الفاس بين أديك  
وقلبي ما يفيض عليك  
وأطرح تأني  
وأطرح  
وما تحس بأسايا  
ولا يهكم بكايا  
كان الحب بيننا

ما کان

## حبه و نیت

وڪبرت حبه حبه

كأن النبتة دبّلت

• وماتت حبه حبه •

## نوارس الشطوط

وتعلم بالهبوط  
نوارس الشطوط  
تسافر النوارس  
تهاجر النوارس  
وع الشط الى فات  
نوارسها الصغار  
وعش لانتظار  
وخير ماهش قليل  
وواخدينه النسور  
تهاجر النوارس  
تدور ع الطعام

وتحلم بالسلام

ولحظة الهبوط

بتبعد الشطوط

... ..

تجمع النوارس في الخير الكثير

وتأكل القليل

وكل ليله تسهر تفكر في الصغار

وكل ليله تحلم بعش لانتظار

وكل حلم نبت في جناحينها ريشات

بتحلف للرياح

حاشقك من جديد

يقرب الرحيل

تقرب الشطوط

وتلتهب نيران

وتنطفئ نيران

وتلمح النوارس

بداية الأمانى

وتحمل النوارس

من الخير الكثير

وتطمئن قلوبها على أكل  
الصغار  
تنادى ع الرحيل  
يقاتل لانتظار  
وياخذها ويبعد  
ويتركوا المكان  
ولحظة الرحيل  
تقرب الشطوط  
وتبعد الشطوط  
ولحظة الهبوط  
ماتعرفش النوارس  
لعشها مكان  
وتلمح الصغار  
في منقار النسور \*



## الحكاية الخامسة

---

مين يوصل له الخبر





بعد ما لفوا السنين  
بعد ما تاهوا الليالي محرومين  
بعد ما دفعوا الكثير  
بعد ما جمعوا القليل  
بعد ما رجعوا يدوب  
فتشوا كل الجيوب  
جمعوا كل اللي فيها  
واشتروا بيه المكان  
والحكاية  
مش حكاية ألف ليلة  
الحكاية  
ان دايمًا في المزار

ترسى بيعه  
ع الى زاد  
والمكان الى اشتروه  
زودوا ياما وخذوه  
أصلهم قلبين وياما  
سهروا يتمنوا الأمان  
والأمان  
ع الى زاد  
لما يبقا لهم مكان

... ..

كل عام وأنتم بخير  
كل عام أعياد كثير  
بس لما العيد ييجي  
ع الحزين  
عمره ما يتسمى  
عيد  
والحكاية :  
انهم قلبين

وكانوا أنفسهم  
ييجي مره العيد  
ويسهر عندهم  
طول لياالي عمرهم  
حزنانين  
لما لفوا  
لما تاهوا  
لما ضاعوا بالسنين  
وأما جوه العرش حسوا بالدفاء  
قالوا ضاع الحزن كله  
وانتهى  
رجعت البسمة ورجعوا  
نزلوا للسوق اشتروا واتحضروا  
لمل تيجي يا عيد تلاقى  
كل شيء جاهز  
قوام  
وأما غطى الليل على كل البيوت  
ناموا هم

لجل يصحو فى النهار  
بعد ما اتفقوا على نوع الفطار  
بعد ما ظبطوا الساعات  
فجأه فى وسط السكات  
يصرخ العش الجميل  
لما نام البيت وغار  
ناموا فجأه للأبد  
نامت الأحلام  
وغطاها التراب  
ناموا قبل العيد ما يوصل  
لما يوصل  
مين  
يوصله الخبر

## النتيجه

المدرسه بابها ماهش مقفول  
ولا حد جوه الفصول  
متجمعين الناس  
فى الحوش وعند الباب  
الكل يسأل سؤال  
ولكل واحد جواب  
متعلقه عند الزحام  
أرقام  
وأنا نمرتى سجلتها  
على ورقه ف يمينى  
خايفه أشق الزحام

وأطل ع الأرقام

...

وانفض فجاء الزحام

مدت اديها الشجاعة

خدتنى من ايدى

لقيتنى قدام النمر

واقفه

أطمئن قلبى

لكنى أنا خايفه

مرت عيونى ع النمر

تسعين ومن بعدها

التسعه والتسعين

لو ضافوا للتسعين

يا نمرتى

واحسد

كان الجواب

اختلف •

## غمام الشمس

يا شمس يا متفemme  
فكى الغمام  
ولا تبخلش بالنور  
على ولاد البلد

يا شمس يا متفemme  
فكى الغمام  
ولا تبخلش بالنور  
على ولاد البلد

...

قام الولد  
فايت غطاء ومخدته  
ساعة ماخبطله المطر  
ع الباب  
وع الشباك  
خطى الولد  
والخطوه تبدر غنوته

فوق الطريق  
تشرب بذور الغنوه  
من سيل المطر  
تطرح نجوم  
تطرح قمر  
يونسوه طول الطريق  
... ..  
واتقلب الفجر وصحى  
باس النخيل  
ميل براسه من الحجل  
باس الشجر  
ووشوش المطره  
تفوت السكه سالكه  
للولد  
هدى المطر  
والواد ماهديت خطوته  
ولا بحته  
من طول مانادالك  
يا شمس يا متغممه  
فكى الغمام



ولا تبخلش

بالتور على ولاد البلد

... ..

ماشى الولد

— ممدود طريقه وملتوى —

ما بيملتوى ،

مهما يطول بيه الطريق

محنى على الفاس

والحنين

خله يحب الطين

وحزين ف قلبه الشوق

طلت عيونه لفوق

لمحت شعاع الشمس

من غير النمام

رقص الفرع

دمعات ف عين الواد

نادى على كل الولاد

يا أهل بلدى افرحوا

يا غصون حنابل

اطرحوا  
الشمس ماعادت خلاص  
متغممه  
جريوا الولاد  
واتجمعوا  
علشان يشوفوا الشمس  
من غير الغمام  
الى محضر ملته  
يملاها نور  
والى محضر حفنته  
يجمع دفا  
والى بيطمع فى الشفا  
باديكى يا شمس البلد •

## ضحك الصغير للقمر

ضحك الصغير للقمر

ضحك القمر

لما سمع

أنا بكره أطول وأجيبك

تلعب سوى بكل النجوم

تلعب

لحد ما نتعب

واخذك ونهرب

نرجع هنا

ولوحدنا

تلعب سوى بكل اللعب

دانا عندى ديدوب

وآرنوب

وبوبى حبوب

جابهملى بابا

من قبل ما أعرف

أنده عليه

... ..

طل الصغير فى القمر

دبت رجوله ع البلاط :

بيبصلى

وعنيه بتضحكى كده

بيقول تعالى :

( نفسى أطلع للقمر )

شيلينى عنده لفوق

يا ماما

ليه تقولى :

مش حطول

لو بابا ييجى

كان يخلينى أروحله

كان يشيلنى لما أطول  
وأبقى عنده  
عارفه لما أكبر ياماما  
حاجل ايه ؟  
حاجلى أمد ادى أشيل بيه  
القمر  
واخده يقعد عندنا  
يلبس البدله بتاعتى  
ياكل التورته معنا  
ف عيد ميلادى  
وأما يتعب  
أخده لسريرى ينام  
وانت تحكيلنا حكاية  
كان ياما كان  
والشاطر حسن  
ع الحصان  
وان برد  
أديه لحافى  
تعمليله سندوتش

وتعمليلى  
وتجيبيله عصير فراوله  
وتجيبيلي  
وان زعل  
أو مره عيط  
أجرى أجيبيله لعبه  
يسكت  
أى لعبه تعجبه  
ياخدها يا ماما  
بس ماياخدهاش  
معا  
ليه ماجتش لحد دلوقت  
يا بابا  
كنت تيجى تجيبلى فى ثانيه  
القمر

## نبضه فى لبنان

يا مولود فى الميدان  
يا محروم م الأمان  
كل الأطفال بتضحك  
وشبت م الأحزان  
يا نبضه فى لبنان  
...

كل الأطفال تغنى  
وتسمع الأغانى  
وانت بكاك قاتلنى  
وعايش فى ودانى  
خايفه الرصاص ياخذنى

وياخذك فى ثوانى  
وتفضل الحكايه  
تعذب الانسان  
يا نبضه فى لبنان

... ..

كل الأطفال سعيده  
لكن انت حزين  
كل الأطفال بعينه  
عن النار والأثني  
وانت بين ادى  
طالل بعنيك على  
ورعب جوه قلبك  
وقلبي من زمان  
يا نبضه فى لبنان

... ..

كل الأطفال تنام  
وانت عنيك عنيده  
بتعلم بالسلام  
مع الخطوه المديده  
ويصرخ البارود

١١٦

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان

يا نبضه فى لبنان



وتصرخ الأطفال  
وتتغير في لحظة  
معالم المكان  
يا نبضه في لبنان

... ..

كل الأطفال بتكبر  
عشان بكره جميل  
لكن انت بتكبر  
عشان تقدر تشيل  
في كتفك بندقيه  
في ايدك مدفعك  
وتبقى انت الضحية  
اذا آن الأوان  
يا نبضه في لبنان



## بداية الطريق

وأبدأ والطريق لابد يبتدى  
بخطوه م القدم  
وخطوة القدم — تقصر الطريق

... ..

وأبدأ والطريق .. لحد فين يروح  
عشان أجمع خطاوى على قد الطريق  
عشان أوعد كفوفى  
بلمسة الورود  
فى آخر الطريق

... ..

وشقيت الطريق

وصوتك كل ما اتعب

يغنى من جديد

تنبت ألف خطوه

ويقطعها الطريق

ويهدينى مسافه

بتنقلنى هناك

ولد مدت خطايا

تشجعها خطاك

ويشدد القدم

يدوس على الألم

ولا تمل الخطاوى

على طول الطريق •

## رعدة الكفوف

ویرحل النهار

وتوصل یا قمر

وتبدر النجوم

تجمل المكان

تنبت كل نجمه

وتطرح فی السما

تنبت كل نبضه فی قلبی انما

بترتعش كفوفی ، فی لحظة الجنی

ویرحل النهار

وتوصل یا قمر

وتبدر النجوم

تجمل المكان

تنبت كل نجمه

وتطرح فی السما

تنبت كل نبضه فی قلبی انما

بترتعش كفوفی ، فی لحظة الجنی

....

ويضعك القمر  
أشجع الكفوف ، وأمدّها لفوق  
بكل كفّ خمسّه ،  
عليها ينعنوا  
أناديهم يقوموا  
يطلّوا في النجوم  
أتارى النبض خايف  
من الضحكه اللى شافها  
على وش القمر

( دى فرحة الوصول

فى لحظة الوصول ؟

و لاضحك لأنه ،

عنيه على الكفوف ، وهى بترتمش ؟ )

وكانت الكفوف تجمع الدموع

وكانت الدموع بتهرب م الكفوف

وكنت يا قمر

ما حددت المعاد

وقلت امته جاي !

وطال الانتظار ، وفجأه انتهى

وطال جمع الدموع ، وفجأة انتهى  
وليه ماتنتهيش  
يا رعشة الكفوف  
وتجمعي النجوم ، بكل فرحها  
وتفسي الهموم ، بكل جرحها  
تقولي للجميع  
خلاص رجع القمر  
وجابلي النجوم  
هدايا  
ويضحك القمر  
ويضحك القمر  
يعانق كل نبضه  
ف قلبي ألف خوف  
ينبت في العروق  
يمدد في العروق  
ويوصل للكفوف  
يهز جذعها  
يا هل ترى بتضحك ، على ايه يا قمر

1. The first part of the paper  
discusses the importance of  
the study of the history of  
the world. It is a study of  
the past which helps us to  
understand the present and  
predict the future. It is a  
study of the human race and  
its progress. It is a study of  
the human mind and its  
capabilities. It is a study of  
the human soul and its  
longings. It is a study of  
the human body and its  
strengths and weaknesses. It  
is a study of the human  
condition and its causes and  
effects. It is a study of the  
human world and its  
problems and solutions. It  
is a study of the human  
future and its possibilities.  
It is a study of the human  
condition and its causes and  
effects. It is a study of the  
human world and its  
problems and solutions. It  
is a study of the human  
future and its possibilities.



## شعر العامية .. في شهرزاد ..

### بين الدراما والغنائية

بـفـم : محسن الخياط

أشعار هذا الديوان ليست غريبة على مسامعي \*  
فقد استمعت من صاحبه الى بعض منها \* وشاركت في  
تقديم بعضها من خلال نادى أدباء مصر بالأقاليم بجريدة  
الجمهورية \*

وأول ما يستلفت النظر من الناحية الشكلية الصرفة  
المفترضة هو تبويب الديوان الذى اتخذ شكل الحكايات :

الأولى : من مكتبة شهرزاد

الثانية : الطير الأبيض

الثالثة : صفين قلوب

الرابعة : نوارس الشطوط

هذه الشكلية الصرفة تفرض على الشاعرة مع هذا التبويب تلاحما وجوبيا مع التجربة نفسها أى أن التجارب الشعرية لا يمكن أن تنعزل عن الأشكال التى رسمتها بفعل التلاحم الذى لا يفصل بين الشكل والمضمون .

فقد تم تصنيف أشعار الشعراء السابقين أمثال شوقي وحافظ وشكري على نحو خاص يتضمن الاجتماعيات . والفزل . والرثاء . والوطنيات . الخ أى أن التبويب يتطابق مع ما تحمله القصائد من مضامين .

ومن هذا المنطلق ، كان من الممكن أن تحمل كل حكاية من الحكايات الخمس ملامح خاصة بها . . وتكامل بين مضامينها فالتجربة الأولى التى تحمل اسم « من مكتبة شهرزاد » تفترض وجود أرضية مشتركة للتجارب التى تحمل نفس العنوان أى أنها تستلهم حكايات شهرزاد بكل ما تحمله من فن القص والتشويق والاثارة والخيال خروجا بالمضامين الى آفاق أوسع تحمل سمات العصر وروحه . . طابعه ومشكلاته . ومن هنا يصبح التبويب جزءا من العمل الفنى فى تكامله وليس مجرد

شكلية صرفة تجعل منها عينا على المضمون وتباعد بينه وبين التجربة .

ان التجارب ذات النسيج الواحد . . ذات التناول المتقارب هي التي يمكن أن نصنفها بالديوان حسب وحدة نسيجها . . وتقارب اتجاهاتها . لكن الشاعرة لم تفضل ذلك . فمكتبة شهرزاد ضمت « عروسة النيل » وهي من أصل فرعوني ، و « ناعسة ويوسف » وهي من أصل « ديني » و « الاسكندر الأكبر وقطر الندى ؟ وهما من أصل تاريخي . . « سيندريلا » وهي من التراث العالمي . . ولا يبقى في المكتبة من أثر حكايا شهرزاد سوى القصيدة التي تحمل نفس الاسم وتتباعد التجارب عن بعضها ولا يربطها بعضها البعض سوى خيط واه . . هو السرد القصصي . . رباط شكلي فرضته الشاعرة على جماع التجارب دون مبرر فني معقول وتأتي الحكايات الثانية والثالثة والرابعة الخ . . وكأنها دواوين مستقلة كل منها يحمل اسم احدي القصائد .

ولكن ماذا عن تجارب الشاعرة في ديوانها الأول ؟ اذا ما تجاوزنا المواجه المصطنعة التي وضعتها الشاعرة في شكل الحكايات ، فسوف نجد لها ملامح ذكية في معالجة بعض التجارب ، ويتضح ذلك بشكل ايجابي

فى القسم الأول من الحكايات التى تحمل اسم « من  
مكتبة شهرزاد » .

نجد فى « عروسة النيل » نموذجا جديدا يربط  
بين التراث الفرعونى والواقع المعاش .. كان فرعون  
يختار أجمل بنات مصر لتزف للنيل كل عام .. فالنيل  
لا يفيض الا بتلك الزيجة الحولية التى استمرت حتى  
دخول عمرو بن العاص مصر حيث أبطل العادة القديمة  
وحول العروس فى الاحتفال الحولى الى عروس من قش .  
الشاعرة تستلهم تلك الحكاية الفرعونية .. وتمعطى  
لها مدلولاً مستحدثاً .. يجعل من زواج النيل بالعروس  
زواجا أبدياً .. يوحد رحلات النيل السنوية الى رحلة  
واحدة دائمة .. لا تنقطع فيها فرحته .. ولا يتوقف  
فيها فيضانه .

« وأنا لما خطبنى النيل

قريت كتبه

عرفت انه

فى يوم فرحه يفيض ويزيد

واديتى جيت

عشان القمح ويا القطن ،

ما يشربش دمع حزين

ودى المره

...

أنا نفسى أشوف النيل ،

يدوق لقمه من القمح

وعينه من على الرحلة •

فعرّوس النيل لا تريد لصانع الحياة على أرض مصر ••  
أن يتضور جوعا •• وأن تنتهى رحلاته المستمرة عبر  
آلاف السنين دون أن يتذوق لقمة من القمح التى  
أنضجها • ان هذا التزاوج بين النيل والانسان بمعناها  
الشامل ( النيل الأرض • الناس ) هذا التزاوج بين  
المنوى والحسى بين الحكاية والواقع •• تعطى للتجربة  
بعدا انسانيا جديدا •

وتقدم لنا الشاعرة تجربة ناضجة فى قصيدتها  
« شرزاد » فقد ارتفع عن عنقها سيف شهر يار المتعطش  
للدم وتمكنت منه بالحكايات التى أخذت ترويها له  
والشاعرة فى تجربتها هذه المرة تتخطى المحاولة الفردية  
لشهر زاد وتتحول بها الى محاولة جماعية من بنات  
جنسها اللائى قمن بجمع الحكايات لشهرزاد • فكلهن

شهر زاد .. وما شهر زاد ألف ليلة سوى الرمز ..  
الأم التي تسمى كل بنات جنسها من شرور شهر يار ..  
فلم تعد القضية في عالمنا قضية فرد .. لكنها قضية  
جماعية تهدد الأم اذا ما غضبت الحكايات .. وعلى  
شهر زاد ألا تتوقف لحظة .. فالسيف لا ينام ..

وكل حكاية تخرجلك  
خديها يا شهر واحكيها  
ينام السيف ولا يصحى  
لكن أنت  
فرشتى كل حكاياتنا على صدرك  
ولا قولتى  
وفوق أرض الحرير نمتى  
يا شهر اصحى  
ورا الشباك قمر مستنى يطمئن  
عشان يمشى  
يا شهر اصحى .. وطللى ف عين حكاياتنا  
تلاقى القمر جواها  
واصحى يا شهر  
قومى يا شهر

احكى يا شهر

انها تستحث شهرزاد على النهوض على الاستمرار  
فى القص .. فالقمر المنتظر يريد أن يطمئن على مصير  
الأم .

وفى « ناعسة » تقدم الشاعرة صوتها الذى  
تستحث أيوب أن يقهر المرض . وأن ينهض .. فنهاية  
الصبر القبر كما يقول المثل الشعبى :

« توب ليلك المغلوب

يقدم .. يتملع .. يدوب »

على أيوب أن ينهض اذن .. وأن يللم حروف  
الكلمات الكسيرة ليصنع منها شيئاً .. ليصنع منها  
مقولات تنهى صبره ومرضه معا .. فالمرض ليس  
مرضا شخصيا . كما تصوره الحكاية .. انما هو مرض  
اجتماعى .

مهما بتغفل عيوني

فى لحظة بتفتح ،

تشوف لبعد الشوف

تطوف .. تطوف .. تطوف

تنقى من وسط الحروف

صوت حرف حق كسير

وقدما تلقى حروف

رموشها تبقى سيوف

وعندما تصل بنا الرحلة الى «سندريلا» فاننا نقف أمام  
لوحة اختلطت فيها الألوان .. وضاعت مع الاختلاط  
معالم التجربة .. فالتجربة تتلخص فى أن سندريلا  
تريد أن تتعلم السحر .. وأن تطوعه لصالحها .. حتى  
لا يأتى اليوم الذى تجد فيه أميرها يجد فى البحث عن  
«سندريلا» أخرى يجرى خلف قدمها .. وحتى تتجنب  
حفلات جديدة تكون فيها نهايتها .. لكن البناء الفنى  
للتجربة لم يكن متجانسا بالقدر الكافى الذى يثريها  
فالقارئ سوف يحس عند قراءتها أنه كان من المعتم أن  
تبدأ التجربة من حيث انتهت قصة سندريلا الحقيقية  
لتبدأ بخبرتها تشكيل القصة من بعد أن أصبحت زوجة  
الأمير :

وكان ياما كان

كانت جميلة ، وبتعنى أديها تراب

تتمنى م الضحكه وم الفرحه صحاب

ولم أن الأوان

الفرح جالها أمير ..



من هذا المدخل الذى يسدل الستار على القصة  
التقليدية لسندريلا تبدأ التجربة • دون الدخول فى  
مقدمات لا مبرر لها ولا تثرى البناء الفنى • • فسندريلا  
المجددة تخرج من ثوب سندريلا القديمة لتشكّل كيانا  
جديدا • • لتشكّل سندريلا من نوع آخر • • تريد أن  
تملك السحر - وأن يكون طوع بنائها هى - وبارادتها  
لا بارادة ساحرة خارجة عن كيائها • •

لا التوب حايقدر ينخلع منى  
ولا حا أخاف واجرى

ولا عادشى محتاج الأمير يجرى ورا قدمى

ان جوهر التجربة يكمن فى حرص سندريلا على  
الاحتفاظ بأمرها • • وأن لا يبدأ حفل جديد ضد  
إرادتها • •

أما قصيدة « قطر الندى » فهى تحمل جوانب  
متعددة ، فهى تلمح الى ترف خمارويه فى تناقض مع  
الواقع الذى يعيشه الناس • • وتشير الى دم الشهداء  
فى تناقض مع الرايات والزينات المقامة على طول  
طريق الشهداء الذى يمر فيه موكب العروس • •

أطمنى ،

راح يعملوا الموكب وحايقيموا الزينات  
حايأخروا وفين اللي سقطوا ع التراب  
لما يعدى موكبك .

وعلى الجانب الآخر تشير التجربة الى زواج المصلحة  
المشتركة بين الحاكم الطولوني والخليفة العباسي الذي  
اليه يسير الموكب حاملا « قطر الندى » لكن هل ألغى  
زواج المصلحة حقيقة الواقع الاجتماعي المتردى .

الى بييجى ما زحف  
والى مروح بالرغيف  
نبضه انخطف  
والى بيدعى بالصلاه ،  
مالحقش ينزل بالادين

هكذا تلملم الشاعرة خيوط المتناقضات التي  
تتفاقم فى نسيج متماسك .. يقول بأن هناك عالمان  
متناقضان . فلا أمن ولا سلام تحت مظلة تناقضات  
تتعمق كل يوم لتنهش قلب المجتمع :

كل البنات اتبع صوتها م الصراخ  
لكن سكت  
والى بقى  
طاخ .. طاخ ..

ولعل أكثر التجارب ايجابية وعمقا واختزالا ..  
هى تجربة الشاعرة فى قصة « يوسف » فلقصيدة  
جسورها الفنى . وبعدها الاجتماعى .. والحرص على  
الافصاح عن المضمون بأقل الكلمات . وأكثرها تركيزا .  
فيوسف النبى .. الذى بيده مفاتيح الخير .  
لا يتحرك .. الكل ينتظرون منه الكلمة . لكنه لا يزال  
حيامتا .. وقد لا أخطئ اذا ما تصورت أن صوت  
يوسف ليس صوتا مفردا .. انما هو كما يبدو فى  
التجربة صوت الجماعة .. التى بيدها يكون الخلاص .  
التى بيدها مفاتيح خزائن الخير ..

انت يا يوسف كلمتك مفتاح

تفتح خزائن خير

ينبت مكان الجوع

يهزم جميع الأمراض

...

الكل ساكت لاجل ما يسمع

وانت يا يوسف

قوللى ..

ساكت ليه ؟ !

وفى نهاية الجولة مع الحكاية الأولى نأتى الى قصيدة  
« الاسكندر الأكبر » التى تتمحور حول ظهور الاسكندر  
منشئ الاسكندرية .. فينكره أهل المدينة ويتم القبض  
عليه باعتباره جاسوسا متسللا بلا أوراق تثبت هويته .  
الفكرة .. بالرغم من الرمز الذى تعطيه كدلالة  
لخصوصية الشئ حينما تتحول الى ظاهرة عامة .. قد  
تم اجهاضها منذ البداية .. حيثما استهلقت القصيدة  
بقولها :

فى الاسكندرية جاسوس

الاسكندر الأكبر ..

لقد أفصحت من البداية عن الشخصية المحورية فى  
التجربة . وأكدت من البداية جهل الناس بالاسكندر  
.. ففقدت التجربة خاصيتها الفنية بحيث أصبح  
الحديث عن الشخصية المحورية مجرد مذكرة تفسيرية  
لما حدث له فى المدينة .. وقد كان من الممكن تقديم  
التجربة بأسلوب أكثر تشويقا .. يفرى القارئ  
بمتابعة الأحداث حتى نصل بهم الى اصرار الناس على  
اتهامه بالجاسوسية حتى حين يكتشفون فى نهاية المطاف  
أنه الاسكندر الأكبر بانى مدينتهم ..

لقد قصدت التركيز على الفصل الأول من الديوان  
— أو ما أسمته الشاعرة « بالحكاية الأولى » قصدت أن  
أشير الى أن هذا الفصل هو قمة الديوان .. بما  
تضمنته تلك القمة من تجارب ثرية تتمتع بمساح  
درامية ونسيج خاص وقاموس لغوي متفرد .. يشير  
الى صوت الشاعرة المتميز .

ففى هذا الجزء بالذات لم تعتمد الشاعرة الى  
استخدام القصص التاريخية أو الدينية .. الخ ..  
كخلفية للعمل الفنى ولكنها .. وهذا هو الجديد .. قد  
أعادت صياغة القصص من وجهة نظر درامية خاصة ..  
انها لم تستلهم القصص ولكنها أعادت صياغة أحداثها  
بمنطق العصر المعاش دون تعسف ودون أن تتجنى عن  
المضمون الأساسى للقصص ..

وقصدت أيضا الى أن تلك التجارب بالذات لها  
دلالات اجتماعية تثير التساؤل .. فى نفس المتلقى  
وتبعث فيه الرغبة فى إعادة ترتيب الأوضاع الاجتماعية  
.. فالتجربة تربط بين الفن والواقع .. وتلمس  
الطريق لأن يكون الشعر مشعلا ينير الطريق .. وأن  
يتفاعل المضمون مع الواقع الاجتماعى .. يؤثر فيه  
ويتأثر به .. وبذلك تنتهى عزلة الفكر عن واقعه ..

بحيث لا يكون هناك مكان لتجربة تضع جماليات الشعر  
فى جانب ومضامينه فى الجانب الآخر فالتجربة الشعرية  
تخلق عالمها المتكامل وهى فى تلاحم مع العالم المحيط  
بها الذى يعطيها كل عوامل الثراء والنماء .

وفى اعتقادى أن الشاعرة قد ألفت بكل تجاربها  
الشعرية فى هذا الجزء المسمى بالحكاية الأولى .

• وإذا ما ولجنا أبواب الفصول الأخرى للديوان ••  
فسوف نصادف تجارب تبدو هشة ، تجارب تخلت عن  
الملاحم الدرامية لتلبس ثوب الغنائية بعيدة عن لغة  
القص الدرامى الذى غلب على الحكاية الأولى والذى  
يعتبر شيئا متميزا بل لعله يشكل جانبا هاما فى صوتها  
المتفرد .

ولا يعنى هذا أن الحكايات الأربع الأخيرة تخلو  
تماما من بعض ملاحم الحكاية الأولى • فبعضها يحمل  
سماتها • ولكن معظمها - على ما أعتقد - ملئ بغنائية  
التجارب الأولى للشاعرة التى أقحمتها على الديوان ••  
وهذه خطيئة يرتكبها بعض الشعراء وهم يدفعون  
بديوانهم الأول الى المطبعة •

لنأخذ على سبيل المثال قصيدة « الطير الأبيض »

من « الحكاية الثانية » فهي تجسد غنائية ذاتية تخلو من  
عمق الاحساس ولا تحمل في نسيجها العضوى ملامح  
تجربة متكاملة .. بل هي تجذب المتلقى الى دوامة  
الحروف المتأكلة التي يتداولها عصر التروى والانكسار  
بكل ما فيها من تفكك وتسطيع :

من غير أشواك  
دايما فأكراك  
دايما شايفاك  
مش عارفه ازاي ؟

انها تخرج من بوتقة التجارب العميقة بكل أبعادها  
.. الى عالم ميتافيزيقى مجرد .. عالم رومانسى منهزم  
من داخله .

وهي كذلك فى « الطوق الحديد » التي لا تخرج  
منها الا بغنائية مكرورة .. وعالم طوباوى يتضاءل  
أمام تعاظم الصراع من أجل رغبة الحيز .

أبقى غنوه لجل بكره  
أبقى منديلك بشيل الدمع عنك  
أبقى جنبك  
نقسم اللقمة تلاقى فيها بركة

فمثل هذا العالم المثالي .. غير الواقعي .. لا يوجد  
سوى في مخيلة رومانسية أثرت الهروب تحت ضغط  
العلاقات الاجتماعية المعقدة .. شديدة التعقيد ..  
وتبدو التجربة شديدة التسطيح مجردة من  
الاحساس بعمق المأساة في قصيدة « نبضة من لبنان »  
فالمضمون شكلي وباهت وضع في إطار مهترىء لا يوحى  
بفداحة المأساة اللبنانية ..

ومع ذلك ، فالشاعرة .. قد تفلت للحظات من قبضة  
عالمها الميتافيزيقي الذي أحاط بالحكايات الأربع  
الآخرة لتعود الى عالمها الواقعي الذي ينبض بالحياة ..  
فتعود التجربة لعمقها وواقعيتها .. وتلمس بقدميها  
أرض الواقع .. بعيداً عن الدوران في عالم مجرد ..  
لا واقعي :

وليل ورا ليل

نسينا الضحكة والقمره

نسينا طعمه ابن بكره

وماتت غنوة النبضة وفرحتها

ولحظتها

رجعنا لك ياليل ،



واحشانا دى القمره  
رجعنا المطريق نحلف  
أكيد بكره يكون أحلا

وهكذا .. نراها بين المين والآخر تصحو من عالمها  
الميتافيزيقى وتلقى جانب عالمها الطوباوى .. المخدر  
لنعود لعالمها الواقعى بدراميته .. أما فى مقاطع من  
قصيدة أو فى قصيدة كاملة :

فهى فى احدى مقاطع « صفيين قلوب » تقول :  
يا جادله شعرى بالحنان والحب  
ومكحلة عيونى ..  
بالشوق لطلاتك ..  
على علينا شوفينا لما نبقى هناك ..  
تلقى القدم مترصعه أشواك ..  
وفى نفس القصيدة تقول فى مقطع آخر :  
دى الخطوة فى أرض أمك  
والطفل فوق أرضك جميل ..  
وفى مكان ثالث من قصيدة « وفوتك جلاذى » تجدو  
قدرتها على التقاط الصورة الموحية التى تشكل  
مبتكاملًا يغنى عن قصيدة طويلة : ..

وشفتك حزينه  
وحزنك سفينه  
تطوف فوق دموعك  
وترسى آهات •

وهذا يؤكد أن الشاعرة تحمل طاقات ابداعية لم  
توظفها بشكل مكثف ومتكامل فى تجاربها التالية للحكاية  
الأولى •

لنقرأ معا هذا المقطع من قصيدتها « غمام الشمس »  
واتجمعوا

علشان يشوفوا الشمس من غير الغمام  
الى يحضر طلته •• يملأها نور  
الى محضر حفتته يجمع دفا  
والى بيطمع فى الشفا  
باديكى يا شمس البلد

ان الشاعرة عندما تخرج من اسار عالمها الميتافيزيقى  
عندما تخرج من اسار الغنائية المجردة •• عندما  
توظف طاقاتها •• وتتمثل التجربة بكل أبعادها  
الواقعية •• فانها تجيد التعبير •  
وها هى تطل من عالمها الغنائى • عالمها الطوباوى

الميتافيزيقى بقصيدة يتسم عالمها بالحركة والموضوعية  
وصراع المتناقضات .. انها قصيدة «باستنى المعاد» :

جوه قلبك  
ألف شمعته منوره  
شمعه تبكى وشمعه تحرق  
تخرج النبضات تخبط فى الشموع  
نبضة تجرى .. ونبضه تحرق  
....

جوه قلبك  
ليل طويل  
ليل ييطرح ألف ليل  
حاضن الشمعات وسكران بالدموع  
طاوى فى ساعة غرق .. كل القلوع  
ليه ؟ !  
وأنا ع الشط باستنى المعاد ..

ولعلنا لا نتجاوز الحقيقة اذا ما خالصنا أن صاحبة  
الديوان تعيش تجاربها بين عالمين مختلفين .. وتقف  
على أرضيتين متباينتين .. يتباعدان تباعد السماء  
والأرض .. عالم واقعى يثريه الإنسان بتجاربه

وتلتصق قدماه بأرضه .. يشدها الى الأمام .. وعالم  
ميتافيزيقي بكل ما فيه من أوهام وأحلام طوباوية ..  
يشدها الى الخلف .

وينعكس كل ذلك بشكل ملحوظ فيما قدمته  
الشاعرة من تجارب فى الحكاية الأولى .

ويمكننا من هذا المنطلق أن ننبه الشاعرة الى أن  
الرومانسية الحاملة .. المجردة .. بلا واقعية لم يعد  
لها قدمان تقف عليهما ما لم يكن فى جمعتها الجديد  
الذى يمكنها أن تقدمه الى عالم شديد التعقيد .

ويمكننا أن نؤكد أن الشاعرة قد نجحت من خلال  
الحكاية الأولى فى إثارة قضية السرد القصصى فى  
التجربة الشعرية بل انها قد تجاوزت مجرد استلها  
التراث أو استخدامه كخلفية تصلح لاسقاط أفكار  
معاصرة عليها الى محاولة جريئة لصياغة القصص  
التراثية بمنطق العصر الحديث .

كما أننا ننبه الشاعرة الى أن تجاربها فى الحكاية  
الأولى التى تميزت بدراميتها وجدتها وقاموسها الخاص  
بجمله ومفرداته هو الذى يحمل له الديوان صوتها  
المتفرد .. ذلك الصوت الذى يميزها عن الآخرين .

وانه كلما تاه وتغرب عن نفسه فى الحكايات  
الأخرى ، لم يعد له هذا الصوت المتميز .. بل ضاع  
فى أصوات شعراء آخرين .. فالمحافظة على التفرد  
والتمايز يعطى الفرصة للمتلقى أن يتعرف على اسم  
صاحبه من خلال التجربة لا أن يدلف الاسم على  
صاحبها .

لكن ماذا يمكن أن يقال عن اكتمال الأدوات الفنية  
لدى الشاعرة ؟

● لقد تمكنت الشاعرة فى تجارب الحكاية الأولى من  
أن تلتقط الفكرة بوعى .. وسعت الى تجسيدها  
بأسلوبها الخاص . لكن لازال نبضها الانثوى ينتقل  
من فكرة الى أخرى متمثلا فى اختيارها ( ناعسة -  
سندريلا - قطر الندى - شهرزاد ) .

ولازال عالمها الانثوى غير قادر على استيعاب  
التجربة الانسانية فى شمولها باعتبار أن الجنسين  
هما صانعى الحياة ومصدر التجربة الانسانية .

● الشاعرة لديها القدرة على تخليق الصورة والمشهد  
الشاعرى مع ثنايا التجربة التى تقدمها . وان

شهر زاد - ١٤٥

كانت هذه المشاهد تتلاحم أحيانا بالتجربة وتنفصل  
أحيانا عنها :

– وانا باقطف فى نبضاته وباعمل صحبه علشانه  
( من قصيدة عروس النيل )

– وقد ماتلقى حروف  
رموشها تبقى سيوف  
( عن قصيدة ناعسة )

– نبت خلاص الجوع  
فى بطن اخواتك  
( عن قصيدة يوسف )

– جوه قلبك ليل طويل  
ليل يبطرح ألف ليل  
( من قصيدة باستنى المعاد )

– وشوفتك حزينه  
وحزنك سفينه  
تطوف فوق دموعك  
وترسى آهات  
( من قصيدة وفوتك بلادى )

ورغم ذلك فان قاموس الشاعرة اللغوى ( العامى )  
مازال فى حاجة الى توسيع دائرته حتى لا تتكرر نفس  
الكلمات والألفاظ فى أكثر من موقع على طول قصائد  
الديوان •• فقد تكررت بشكل ممل كلمة « القمر -  
القمره • قمرية » تكررت عشرات المرات الأمر الذى  
أفقد الكلمة جمالها فى كثير من مواقعها •

والشاعرة تتصيد أحيانا القوافى بغير أن يكون لها  
مدلولها الحقيقى فى البناء الشعرى :

ويطمئن عليها كثير

لا تفوتها لا يد الغير

فكلمة كثير استعملت لاستكمال القافية وهى  
لا تعطى المعنى الذى تريده الشاعرة فهى تريد أن يطمئن  
دائما وليس كثيرا •

وهى أحيانا تخضع اللغة للايقاع الموسيقى فتلوى  
ذراع الجمل وتفقد جمالها اللغوى •• الصحيح هو  
أن تخضع الايقاع الموسيقى للغة حتى تأتى الجمل أكثر  
تعبيرا وتكاملا :

- وفى عيني صور ياما لكى ( وبكره )

ولا يفوتنى فى النهاية أن أقول انها بداية طيبة  
من شاعرة على الطريق . . وأتمنى أن تبذل فى تجاربها  
القادمة جهدا أكبر وأن تستخدم كل الأدوات الشعرية  
وأن تصقلها حتى تتكامل فى تجاربها القادمة .



- الشاعرة فى سطور
- نجوى السيد محمد
- من مواليد الاسكندرية
- عضو نادى الأدباء بالاسكندرية •
- حاصلة على جائزة الاسكندرية لشعر العامية ١٩٧٧
- حاصلة على المركز الثانى على مستوى جمهورية مصر العربية ١٩٨٥ •
- شاركت فى العديد من مهرجانات الشعر فى القاهرة والمحافظات •
- نشرت قصائدها فى جريدة الجمهورية والمساء والعمال والحياة وغيرها •
- أذيعت أشعارها فى اذاعات الاسكندرية - البرنامج العام - الشعب - صوت العرب •
- ترجم عدد من قصائدها الى اللغة الانجليزية
- نشر بحث عن أشعارها بالانجليزية فى مجلة الآداب التى تصدرها جامعة شيكاغو بالولايات المتحدة الأمريكية ، كتبه د. كلارسا برت •
- لها تحت الطبع ديوان : اليوم ماهش نصين •



## فهرس

٣	الامعاء
٧	عروسة النيل
١١	شهرزاد
١٥	ناعسة
١٩	سندريلا
٢٣	قطر الندى
٢٥	يوسف
٢٧	الاسكندر الاكبر
٣١	كليوباترا
٣٧	الطير الأبيض
٤١	الجسر
٤٣	كل الكمان
٤٥	الطوق الجديد
٤٩	الرحيل
٥١	لهفة
٥٣	سواقى العمر
٥٧	نسييتينى

٦١	• • • • •	وفوتك بلادى
٦٣	• • • • •	ايد على قلبين
٦٩	• • • • •	صفين قلوب
٧٧	• • • • •	الغريب
٨١	• • • • •	باستنى المعاد
٨٣	• • • • •	عتاب
٩١	• • • • •	لحظات الألم
٩٣	• • • • •	الأرض
٩٥	• • • • •	نوارس الشطوط
١٠١	• • • • •	مين يوصل له الخير
١٠٥	• • • • •	النتيجة
١٠٧	• • • • •	غمام الشمس
١١١	• • • • •	ضحك الصغير للقمر
١١٥	• • • • •	نبضة فى لبنان
١١٩	• • • • •	بداية الطريق
١٢١	• • • • •	رعدة الكفوف
١٢٥	• • • • •	الدراسة

## صدر من هذه السلسلة :

- ١ - شوارع تنام من العاشرة ( قصص ) أحمد محمد حميده
- ٢ - باب الريح ( قصص ) نبيه الصعیدی
- ٣ - حكاية عروسة البحر ( شعر ) حجاج البای
- ٤ - الدم وشجرة التوت الأحمر ( رواية ) محمد عبد الله عيسى
- ٥ - وقائع موت الجياد ( شعر ) عصام الغازی
- ٦ - الشاطر حسن ٠٠ يخيب ( قصص ) عبد المنعم الباز
- ٧ - ٠٠ وعائد اليك ( شعر ) المنجى سرحان
- ٨ - مهزلة عائلية ( مسرحية ) جمعة محمد جمعة
- ٩ - قصاصات حب ( قصص )
- ١٠ - تاريخ يؤرقه الظمأ ( شعر ) اسماعيل على
- ١١ - بقايا انتظار ( قصص ) عبد الفتاح منصور
- ١٢ - اعدام قيس بن الملوح ( مسرحية ) محمد عبد العزيز شنب
- ١٣ - نقوش الدم ( رواية ) رجب سعد السيد
- ١٤ - تأملات فى وجه ملائكى ( شعر ) عبد الله السيد شرف
- ١٥ - الصعود الى القصر ( قصص ) مصطفى الأسمر
- ١٦ - اغتراب ٠٠ ( شعر ) ناجى عبد اللطيف
- ١٧ - والفجر ( قصص ) جمال نجيب التلاوى
- ١٨ - فيضا يكون العثاكن ( قصص ) عبد المجيد أحمد
- ١٩ - حكاية الديب رماح ( قصص ) خيرى عبد الجواد

٢٠ - خديجة بنت الضحى الوسيح ( شعر ) سماح عبد الله

٢١ - فارس آخر زمن ( قصص ) حسن شلنده

### العدد القادم

( قصص ) محمد هويدى

من ثقب الحزام

### تطلب كتب هذه السلسلة من :

- باعة الصحف
- مكتبات الهيئة
- المعرض الدائم للكتاب بمقر الهيئة
- مكتبات الهيئة المتنقلة بالأحياء والأقاليم
- منافذ التوزيع في مكان وفروع الثقافة الجماهيرية وهي كما يلي :
- الوادي الجديد ٠٠٠ الداخلة والخارجة
- البحيرة
- المنيا
- سوهاج
- بورسعيد
- دمياط
- فارسكور
- القليوبية ( بنها )

مطابع الهيئة المصرية العامة للكتاب

رقم الايداع بدار الكتب ١٩٨٨/٣٦٧١  
ISBN ٦ - ١٧٧٠ - ٠١ - ٩٧٧